

**Adami Tanneri E Societate Iesv, S. Theologiæ D. Et In  
Academia Ingolstad. Professoris, Theologiæ Scholasticæ  
Tomus ...**

Cum triplici Indice

De Fide, Spe, Charitate, Ivstitia, Religione, caeterisq[ue] virtutibus [et]  
vitijs: ac varijs hominum statibus. Secvndae Secvundae S. Thomae  
Aqvinatis Respondens

**Tanner, Adam**

**Ingolstadii, 1627**

II. An omnes Episcopi inter se quoad potestatem regendi Ecclesiam sint  
pares, an potius tum inter ipsos Apostolos, vnus ceteris potestate &  
auctoritate præstiterit Petrus; tum pari ratione etiamnum ...

---

[urn:nbn:de:hbz:466:1-72877](https://nbn-resolving.de/urn:nbn:de:hbz:466:1-72877)

hæretici aliter sentientes damnati; vt in Concilio Nicæno I. Arius; in Concilio Constantinopolitan I. Macedonius; in Concilio Ephesino I. Nestorius; in Concilio Chalcedonensi Eutyches; in Concilio Constantinopolitan II. Origenista; in Concilio Constantinopolitan III. Monothelite; in Concilio Nicæno II. Iconomachi, &c. Ut proinde dubium minime esse posse, Concilium generale Episcoporum legitimum esse supremum fidei Iudicem.

37 Quarto accedit ratio. Quia suprema potestas Iudicaria utique est penes Rectores & Prepositos Ecclesiæ; tales autem sunt Apostoli, eorumque legitimi Successores Episcopi & Prelati Ecclesiæ, vt ex dictis liquet, & totius simul antiquitatis usu ac praxi fit contestatum. Quod si potestas regendi Ecclesiæ, quæ olim fuit penes Apostolos, iam est penes Principes seculares, aut ipsam plebem, non penes Episcopos, velut Apostolorum Successores, necesse est, à Christo mutatum fuisse regnum Ecclesiæ. At ubi, quomodo, & quando hoc accidit? An Christus denio de cœlis descendit, vt abrogato priore regimine, nouum constitueret, nouamque adeo Ecclesiæ (quam equidem mutato regimine, & ipsam mutari necesse est) denio condideret? Sed hæc omnis recta ratio velut absurdissima commenta & deliria damnat & execratur. Plura dubio sequenti.

## DVBIVM II.

*An omnes Episcopi inter se, quoad potestatem regendi Ecclesiæ, sint pares; an potius tum inter ipsos Apostolos, unus ceteris potestate & auctoritate præstiterit Petrus; tum par ratione, etiamnum in Ecclesiæ unus aliquis existat Petri Successor, ceteris omnibus Episcopis superior.*

Ad S. Thomæ 2. 2. q. 1. a. 9. & 10.

38 Denuo dubio precedenti indefinite, supremam potestatem regendi Ecclesiæ, ad eoque auctoritatem illam iudicariam, cuius est definire controversias fidei, & olim fuisse penes Apostolos, & nunc esse penes Episcopos ac Prelates Ecclesiæ. Iam vero viterius inquirendū sequitur num & Apostoli & Episcopi omnes quoad eam auctoritatem sint pares; an potius tum inter ipsos Apostolos ceteris auctoritate præstiterit Petrus; & nunc pariter aliquis in Ecclesiæ ceteris Episcopis Superior existat, eiusdem Petri Successor.

Et quidem sectarij huius temporis omnes, vt quam utissimam sibi viam parent, ad primatum Romani Pontificis oppugnandū, omnia illa diligenter amoliri conantur, quæ ei quoquo modo

fauere possunt. Itaque cum primatus Romanæ sedis nō aliunde, quam ex primatu Petri comprobetur, negant ipsi, Petrum fuisse caput Apostolorum & Ecclesiæ, aut ceteris Apostolis superiorē. Ita docet Lutherus in lib. de potestate Papæ, Calvinus lib. 4. Inst. c. 6. & Magdeburgenses centuria 1. lib. 2. cap. 7. alijque Sectarij, è quibus tamen nonnulli Petro concedunt aliquem inter Apostolos primatum, seu præminentiam cum ætate, tum vocationis; quasi Petrus fuerit primus ætate, primusque ad Apostolatum vocatus. In eodē errore fuerunt olim Wicleffus, Hus, & alij quidam hæretici. Catholica autem sententia in sequentibus assertoribus consistit.

39 **ASSERTIO I.** Fuit quidem Christus ipse, quādū in terris agebat, supremum ac visibile totius Ecclesiæ Caput, in quo plenissime omnis auctoritas & potestas Ecclesiastica resideret: quin idem etiamnum in ecclis degens inuisibile Ecclesiæ caput & fundamentum, cädē auctoritate, excellētia & potestate perpetuo prædictū perseuerat. Ita sentiant Theologi omnes cū S. Thoma 3. part. q. 8. speciatim Gregorius de Valentia tō. 3. disp. 1. q. 1. pun. 7. §. 2. 8. & tom. 4. disp. 1. q. 8. nec dissentient hodie Sectarij: nisi quod Marcus Antonius, male nuper ab Ecclesia Christi & vera fide deuius lib. 1. de Repub. Eccles. cap. 1. negavit, Christum ante Ascensionē fuisse Caput Ecclesiæ, aut per se ipsum fundasse & ædificasse Ecclesiæ; cum ea per Apostolos primum fuerit ædificata post CHRISTI Ascensionem.

Probatur assertio aperte ex scriptura, quæ Christo in terris existenti plenā auctoritatē regēdi Ecclesiā tribuit. Vt quādū ipse duodecim Apostolos ac septuaginta discipulos ministros delegit, & cū auctoritate ad prædicandum Euangelium regni cælorū dimisit. Matth. 10. Marci 3. & Luc. 6. 9. & 10. Item quando instituit noua Sacramenta, nouūq; Sacerdotiū & Sacrificiū, quando noua præcepta & Consilia Euangelica condidit & promulgavit.

Quo speciatim etiā pertinent illa Matthæi 28. v. 18. Data est mihi omnis potestas in cælo & in terra. Euntes ergo docete omnes gentes &c. Et ecce ego vobis sum omnibus diebus vix ad consummationē sculi Ioannis 20. v. 21. Sicut misit me Pater, & ego mitto vos. &c. Accipite spiritū sanctū, queri remissionē, &c. 1. Cor. 3. v. 11. Fundamentū aliud nemo potest posere, præter id quod possum est, quod est Christus IESVS. Ephes. 1. v. 22. Omnia subiecti sub pedibus eius: & ipsum dedit caput super omnē Ecclesiæ, quæ est corpus ipsum, & plenitudo eius, qui enī in omnibus adimpler. Eph. 2. v. 20. Super ædificatiō super fundamento Apostolorū & Prophetarū, ipso summo angulari lapide Christo IESV. 1. Petri 2. v. 6. & Isaiae 28. v. 16. Ecce poso in son lapidem summū angularem, electū pretiosum: & qui crediderit in eum non confundetur. Quæ quidē ad Christū etiamnum mortalē vitā agentem spectare, patet ex verbis subseqüētibus: Lapis quem reprobaverunt ædificantes, nempe Iudei Christū crucifigētes. Hinc etiā Christus peculiariter modo vocatur in scriptura Doctor, Praeceptor, Legislator, Iudex, Medicus, Pastor, & Pontifex, vt pluribus videre est apud Valentiam loc. cit.

Ratio est manifesta. Nam cum Christus esset Deus & homo, in quo omnes thesauri sapientia &

scientiae absconditi erant, qui que ideo etiam mis-  
sus fuit à patre in mundum, ut nouam sibi Eccle-  
siam congregaret, negari non potest, eum etiam  
secundum humanitatem quoddam absolutum in  
Ecclesia ins, & ab omni creatura independens  
dominiū habuisse: præstern quando non solum  
rexit ipse Ecclesiā, quamdiu præsens erat, sed i-  
psum quoque Ecclesiasticum régimen primus sua  
auctoritate institutus; quod est apertum signum,  
potestatis in vniuersa Ecclesia, ut dictum.

43

**ASSERTIO II.** Christus neque tradidit, neq;  
traderet potius plenitudinē illam & perfectionem  
suæ potestatis & auctoritatis alteri; qui proinde  
in suo régime nullum habet successorem. Hanc  
assertionem bene declarat & prosequuntur Tur-  
recrēmata de Ecclesia lib. 1. cap. 52. & Gregorius  
de Valentia tom. 4. d. 1. q. 9. pun. 4. & d. 3. q. 5.  
pun. 3. Probatur & declaratur. Quemadmodum  
enim caput hominis duo potissimum munia sibi  
vindicat; nimis quod per sensus & intelligentiam  
cæterorū membrorū functiones dirigit & imperat,  
& quod simul in membra cætera vim quandā in-  
ternam vitæ motusque vitalis influit: ita Christus  
non modo Ecclesiæ caput est, quod extrinseca di-  
rectione & gubernatione, docendo & præcipien-  
do, corpus Ecclesiæ dirigit, sed simul etiam, quod  
internū vigorem, gratiam scilicet & omnis generis  
virtutes, eidē suggestis ac subministrat, iuxta illud  
Ioannis 1. v. 17. *De plenitudine eius nos omnes accepi-  
mus & gratiam progratia: quia lex per Moysēm data est,  
gratia & veritas per Iesum Christum facta est.*

44

Deinde Christus supremam habuit potestatem  
leges ferendi, abrogandi, noua Sacra menta insti-  
tuendi, vetera abrogandi, totumq; Ecclesiæ regi-  
men suo arbitratu constituendi; quod nulli homi-  
num competit. Deniq; Christus caput est vni-  
uersale totius Ecclesiæ, non solum militantis in  
terrīs, sed etiam triumphantis in celis, omniumq;  
fidelium, qui vñquam sunt, fuerūt, aut erunt: quod  
itidem nulli hominum conuenit.

45

Quæ etiam causa est cur Christus in Ecclesia  
nullum habeat successorem; sed solummodo vi-  
carium ut dicemus. Quia successor cum anteces-  
sore parem potestatem habet; ac simul eundem  
antecessorem potestatem suam amissive  
supponit: quod de Christo dici non po-  
test.

46

**ASSERTIO III.** Contulit tamen Christus ali-  
quam in Apostolos potestatem & auctoritatem  
regendi & gubernandi Ecclesiā: atq; ita quidē,  
ut Apostoli omnes, quoad communem Apostolatus  
dignitatem & prærogatiā, pares essent. Prior  
pars constat ex dictis dub. præced. Secundam par-  
tem tradunt Caietanus tractat de comparatione  
Papæ & Concilij c. 3. ybi dicit, *Apostolos reliquos,  
quatenus Apostolos, fuisse D. Petropares; quatenus au-  
tem erant ones Christi, fuisse Petros sibi cœlos. Id ē ex com-  
muni doceat Gregorius de Valen. hic q. 1. p. 7. §. 28.*

Probatur & declaratur assertio. Nam ad Apostolatus  
prærogatiā duo pertinebat; primū quod ipsi  
immediate à Christo Ecclesiastici ministerij au-  
toritatem accepserunt: alterum quod eandem  
auctoritatem à Christo accepserunt, fine vlla  
determinatione ad certa loca; ita nimis.

vt ipsi tanquam Episcopi, Doctores, & Pastores  
animarum, possint vbiique in toto terrarum or-  
be munia Ecclesiastica rite obire, iuxta illud  
Matthæi 28. vers. 19. *Euntes discete omnes gentes;*  
& Marci 16. vers. 15. *Euntes in mundum vniuer-  
sum; predicate Euangelium omni creature.* In hac er-  
go vtrac; Apostolatus prærogatiā, omnes Apo-  
stoli pares fuerunt. Quod ipsum etiam SS. Patres  
noſunquā docuerunt, speciatim Cyprianus lib.  
de vnitate Ecclesiæ vbi ait: *Hoc erant vniue-  
ſores Apostoli, quod & Petrus, pari conforto prædicti & ho-  
nora, & potestatis.*

**ASSERTIO IV.** Petrus nihilominus caput fuit  
Apostolorum, & Vicarius Christi; adeoq; post  
Christum, & sub Christo, visibile in terris totius  
Ecclesiæ caput. Hæc assertio contra Sectarios hu-  
iustemporis probatur fuse à Controversiarum  
tractatoribus; sed ego scripturæ solum potissima  
loca paulò accuratius expendam.

Prima igitur ac potissima probatio sumitur ex  
apertis noui testamenti testimonij, quibus eam  
potestatē & auctoritatem Christus Apostolo Pe-  
tro, partim promisit, partim confirmavit, ac deni-  
que re ipsa tradidit.

Primus locus est Matthæi 16. vers. 18. vbi Christus  
ad Petrum ait: *Beatus Simon Bar Jona: quia  
caro & sanguis non resculerunt tibi, sed pater meus qui in  
celis est, Et ego dico tibi, quia tu es Petrus, & super hanc  
petram adificabo Ecclesiā meā, & porta inseri non  
præualebunt adversari eam, & tibi dabo claves regni ce-  
lorum, & quocunque ligaueris super terram, erit  
ligatum & in celo: & quocunque solueris super terram,  
erit solui & in celo: Ex quo loco duplex argumen-  
tatio ad propositum desumitur. Primum ex verbis  
illis: *Tu es Petrus, & super hanc petram adificabo Eccle-  
siā meā.**

Ex quibus ita argumentamur: Si Christus su-  
per Petrum, veluti petram, ac secundarium post  
se fundatum adificauit Ecclesiā suam vni-  
uersam, & ad finem usque mundi duraturā, con-  
sequens est, Petrum fuisse post Christum, eiusq;  
ascensionem, visibile caput & Primatē totius Ec-  
clesiæ Christi, & cæterorū Apostolorum: sed ve-  
rum est antecedens, exaperta illa Christi promis-  
sione, quam saltē post Christi ascensionem fuisse  
implēta dubitari non potest. Ergo & consequens.  
Maior pater, quia idem est in adiutorio spirituali,  
esse petram, seu primarium ac immobile quoddam  
fundamentum totius adiutorij, & esse caput eius-  
dem adiutorij; atq; hoc ipso, quod Christus vniuer-  
sam Ecclesiā suam supra Petrum se adiutorū  
promisit, simile etiam statuit, ut vniuersa Ecclesia,  
adeoq; etiam cæteri Apostoli, Petri auctoritate &  
robore niterentur; quando vtq; in Ecclesia Christi  
vniuersa, etiam Apostoli comprehenduntur.

Minor propositio, nimis in verbis illis  
Christi, per petram designatum fuisse Petrum,  
de quo tota est difficultas, probatur primo ex  
ipso verborum contextu, prout etiam in Bi-  
bliis latinis recitat. Nam in similibus loqua-  
di modis, ybi facta certa personæ compellatione,  
*Tu es hic vel ille;* subiungitur particula demonstrati-  
viva, relata vel ad idem nomen denuo repetitum,  
vel ad simile habens allusionē ad priorē personā  
appella-

appellationem, v. g. *Et cum hoc, vel illo faciam, aut fiet istud.* &c. semper vocula demonstrativa demonstrat personam de qua antea immediate sermo erat, vt si dicam: *Tu es Rex, & in hoc Rege fiduciam meam colloco.* *Tu es Consul, & ab hoc Consule consilium exspecto.* *Tu es mercator, & ab hoc mercatore merces expatio.* *Tu es cuius, & cum hoc cuic amicitiam iungam.* *Tu es Dux, & hunc Ducem miles sequar.* &c. Idem etiā fit in nominibus propriis; etiamsi nonnulla subinde in ijs fiat ipsarum terminationum ac generum per allusionem mutatio, vt si dicam: *Tu es Ignatius, & hoc igne mundus inardebet.* *Tu es Columna, & has columnam sustinebit Ecclesiā.* *Tu es Victoria, & hac Victoria exilarabit orbem.* *Tu es Aquila, & hac aquila super astra exolabit.* Et similia huius generis adduci possunt innumerā; in quibus omnibus & singulis exemplis, si vel exactissima & plenissima omnium fiat inducō, quis nisi mente captus negaverit, demonstratiuum pronomen *Hic* cum suo appellatiuo semper respicere personā, quae immedia te ante pronomine illo primitivo *Tu* significabatur? Cum ergo & oratio illa, *Tu es Petrus, & super hanc petram adificabo Ecclesiā meā,* sit ijs, de quib⁹ diximus undeque & per omnia similis; certe apertissima contumacia, & voluntaria insania, immo aperta cognitæ veritatis impugnatio est, solo nouandi studio negare, verba illa *super hanc petram* respicere & designare Petrum.

49 Secundo confirmatur idē ex textu grāco. Etenim quia vocabulū *Petrus*, grāci est, hinc sit, vt in latino sermone, non ita clara sitvis & emphasis allusionis, ipsaque adeo connexio inter Petru & petrā; quæ multo minus etiam elucescit in vernaculo idiomatico, vbi nec vo cū quidē est illa anominalio & similitudo, cum dicitur: *Dubist Petrus/ vnd aufs desen Helsē wiss ich bawen mein Kīch.* Qua ratione sit etiam, vt apud homines simplices, Sc̄tarij nostri causam vñcunque tolerabilem tueri videantur, cum dicunt, *Petrus, vnd der Helsē / nihil inter se commune habere, cū tamen si textum lati num, & multo magis si grācum, aut syriacum legere & intelligere possent, perspicuum rei veritatem vñque facile perspecturi essent.*

Itaque vt de grāco textu prius dicā, in eo verba, de quibus agimus, ita leguntur: *οὐ εἶ Πέτρος, οὐ τὸν ταῦτα τὴν πέτραν ὁ κωδωπός με τὸν εκκλησίαν.* In quibus verbis, utrumque nomen illud Πέτρος & πέτρα, quib⁹ apud latinos respōdēt *Petrus* & *pētra*, tamētū genere & terminatione differat, quod vnum masculinum est, alterum fēmininum, vnam tamen prorsus ac eandem significationē habent, ita vt æque utrumq; petrā, rupem, aut cautē, seu immobile saxum significet. Quo sit, vt si spectemus verborum significationem, perinde sit, ac si dixisset Christus: *Tu es Petra, & super hanc petrā adificabo Ecclesiā meā.* Quod si factum fuisset, quis quæ negare auderet, voculam petram secundo loco positam designare Petru? Et quāuis S. Matthæus, aut eius interpres æque potuisset utrobique vti vocabulo Πέτρος dicendo: *οὐ εἶ Πέτρος, οὐ τὸν ταῦτα τὴν πέτραν ὁ κωδωπός με τὸν εκκλησίαν.* Quasi dicas, *Tu es Petrus, & super hunc Petru adificabo Ecclesiā meā:* attamen ad omnem æquationem tollendam, ne vocabulum Πέ-

τρος etiam altero loco solum velut proprium Petri nomen, non autem secundum genuinam vim ac significationem usurpatum videretur, atque adeo vt emphasis & vis indubitate nominis appellatiui petram significantis, à Christo loquente spectata, liquido representaretur, maluit is secundo loco, vt vocabulo *petra* quam *Petrus*.

Perinde ac si quis cum, qui latine vocaretur Scintilla, aut Stella, ita alloqueretur: *Tu es Scintilla, & hac scintilla magnum excitabit incendium, vel tu es Stella, & hac stella illuminabit orbis.* Vbi similiter ex genere masculino transitur ad fēmininum; eo solum, vt vis sua & significatio nomini Scintillæ ac stellæ secundo loco usurpatō constet. Et sicut in hoc casu, ob mutationem generis, nemo dubitet, nomen scintillæ ac stellæ vtroque loco vnum & eundem hominem designare, etiā priore loco masculine, posteriori loco foeminine, ac per modum appellatiui usurpatum esset; ita etiam dubitari nullo modo potest, utrumque vocabulum Πέτρος & πέτρα, etiā genere diuersum, vnum tamen ac eundem Petrum designare ac significare. Ut proinde puerilis aduersus Grammaticam sit error Iacobii Heilbrunneri, Prædicantis quondam Neoburgensis, in suo acatholic. art. 4. cap. 2. pag. 285. quando ex illa mutatione & diuersitate generis, colligit, petram ad Petrum spectare non posse: *qua relatiuum, inquit, cum suo antecedente genere & numero conuenire debet.* Quasi vero petra aut scintilla vel stella, &c. in his exemplis sint relativa, & non potius nomina apposita, quæ sēpe genere à suo antecedente differunt.

52 Tertio idem clarius patet ex textu Syriaco. Vbi sine villa prorsus nominum variatione, pro verbis illis *Petrus & pētra*, vnum ac idem vocabulum *Cepha*, sive *Ciphā*, utrobique legitur, ad hunc scilicet modum: *Danthū Ciphā, veal bāda Ciphā ebnebā lehidhī : hoc est: Tu es Ciphā, & super hanc Ciphā adificabo Ecclesiā meā.* Quod aliud non est, quam si grāce dictum fuisset: *οὐ εἶ πέτρα, οὐ τὸν ταῦτα τὴν πέτραν ὁ κωδωπός με τὸν εκκλησίαν.* aut latine; *Tu es Petra, & super hanc petram adificabo Ecclesiā meā;* vel etiam germanice; *Du bist der Helsē / vnd aufs desen Helsē wiss ich bawen mein Kīch.* Quæ si ita in lingua grāca, latina, vel germanica dicta fuissent à Christo, quis vel impudentissimus negare auderet, nomen *pētram* significans secundo loco cum pronomine demonstratiuo positum, Petrum designare?

Cum igitur Christus Dominus ita prorsus, non quidem grāce, nec latine, aut lingua nostra quadam vernacula, Petrum alloquutus sit, sed Syriacē, prout in ipso etiam Syriaco Euangeliū textu refertur, quis dubitet, ijs verbis, *super hanc petram*, in quamcunque tandem linguam transponantur, seu quoēcunque vocis sono enuntientur, Petrum designari, ac velut digito demonstrari? præsertim quando in Syriaco & in Hebreico idiomatico, nec potuit quidem talis vocum quoad terminationem mutatio, qualis in lingua grāca & latina cernitur, locū habere, cum nōmē *Cepha* apud Syros, & nōmē *Ceph* apud Hebreos,

fue de persona dicatur, siue de re scilicet petra, eundem sonum, eandemque terminationem constanter retineat.

53

Quarto probatur eadem veritas ex circumstantiis loci; que in eundem sensum optime quadrat. Nam nec Christo aliud quicquam magis conueniebat, quam ædificare & fundare Ecclesiam suam; nec Petro aptius quidquam, quam esse petram; præsertim cum ob eam ipsam causam nomen id Petro fuerit à Christo recens impositum; nec petra aliud accommodatum magis, quam esse fundamentum Ecclesiae; nec fundamēto huic affinius quidpiam, quam inexpugnabile ædificium; nec huius ædificij promulgandi tempus & locus opportunior, quam conuentus Apostolorum.

54

Quintò eadem veritas probatur consentiente auctoritate Patrum, tam latinorum, quam græcorum, qui ex ijsdem verbis Christi, Petrum fuisse petram ac fundamentum Ecclesiae constitutum, constantissime tradiderunt; speciatim ex latinis Clemens Romanus epistola 1. ad Iacobū, Tertullianus lib. præscript. cont. hæret. cap. 22. & in lib. de monogamia cap. 6. & lib. de pudicitia cap. 21. Cyprianus epist. 40. & epist. 55. & epist. 69. 70. 71. 73. & lib. de vinitate Ecclesiae cap. 3. Zeno Veronensis serm. de Circumcisione, Marcellus I. epist. 1. Hilarius Pictaviensis in psalm. 131. & in Matchæum can. 16. & lib. 6. de Trinitate, Ambrosius serm. 47. & 64. & in hymno ecclesiastico, qui nunc etiam ad Laudes Domini decantari solet, Hieronymus in caput. 16. Matthæi & lib. 1. dialogorum aduersus Pelagianos cap. 4. & Epist. 14. ad Marcellam, Augustinus serm. 2. & 5. in festo SS. Petri & Pauli & serm. 15. de Sanctis, & in psalmo contra partem Donati iam olim etiam in Ecclesia decantari solito, Leo Magnus serm. 3. de anniversario suæ assumptionis, & homil. de Transfiguratione Domini cap. 1. & epist. 89. cap. 1. Prosper lib. 2. de vocatione Gentium cap. 28. Gregorius Magnus lib. 6. epist. 37. & lib. 4. epist. 82. Isidorus lib. 2. de offic. eccl. cap. 5. Bernardus lib. 2. de considerat. ad Eugenium.

55

Ex Græcis idem testantur Hippolytus orat, de consummatione mundi, Origenes homil. 5. in Exodum & in cap. 6. epist. ad Romanos, Eusebius Alexandrinus homil. de resurrectione, Athanasius epist. ad Felicem, Basilius in caput 2. Isaiae, & lib. 2. contra Eunomium, Gregorius Nazianzenus orat. 26. de moderatione in disput. Epiphanius in Anchorato, Chrysostomus orat, in Petrum & Paulum, & orat. in Petrum & Eliam Prophetam, & homil. 83. in Matchæum, & in psalm. 50. & homil. 80. ad populum Antiochenum de penit. & hom. 87. in Ioannem, Cyrillus Alexandrinus lib. 2. in Ioannem cap. 12. & Concilium Chalcedonense act. 3. Euagrius lib. 2. cap. 4. Germanus Constantinopolitanus in theoria rerum ecclesiast. Damascenus in hist. Barlaam cap. 11. Theodorus Studites epist. ad Paschalem Pontificem, Ignatius Constantinop. epist. ad Adrianum II. Theophylactus in cap. 16. Matthæi & 22. Lucæ, Euthymius in cap. 16.

Matthæi, Theodorus Balsamon ad canonem 16. synodi Carthagin. Quin & Ieremias Patriarcha Constantinopolitanus, in suo ad Wirtenbergensem scriptum responso 2. cap. de iustit. fidei & bonis operibus, Petrum *Apostolorum Cœphœnum* vocat: vt videoas etiam Schismaticos græcos ab hac veritate, quantumvis adeo Romanae Cathedrae infensos non desciuisse. Quorum omnium Patrum expressa verba & testimonia sigillatim, retuli part. 2. confess. August. demonst. 3. §. 2. Certe negare hanc veritatem tam aperte in scriptura traditam, tantaque & tam consentiente Patrum testificatione robotata, non nisi perfricta frontis esse potest.

Nec obstat, quod Augustinus lib. 1. retract. cap. 21. eam explicationem visus est retractare, cum ait: *In libro contra epistolam Donati dixi in quodam loco, de Apostolo Petro, quod in illo tanquam in pœtra fundata sit Ecclesia: qui sensus etiam cantatur ore multorum in versibus Beatisimi Ambrosij, ubi de gallo gallinaceo ait: Hoc, ipsa petra Ecclesia, canente, culpam diluit. Sed scio, me postea sepiissime exposuisse, quod à Domino dictum est: Tu es Petrus & super hanc petram edificabo Ecclesiam meam; ut super hunc intelligeretur, quem confessus est Petrus dicens: Tu es Christus filius Dei vivi: ac si Petrus ab hac petra appellatus personam Ecclesie figuraret, quæ super hanc petram edificatur, & accepit claves regni celorum. Non enim dictum est illi, Tu es petra, sed Tu es Petrus: petra autem erat Christus, quem confessus Simon, sicut eum tota Ecclesia confiteretur, dicitur est Petrus. Harum autem duarum sententiarum quæ probabilior sit, eligat lector. Ita Augustinus.*

Sed qua reuera Catholica veritatini nihil obstat, ex his fit manifestum 1. quia Augustinus priorem illam suam explicationem, quam fateretur etiam Ambrosij versibus iam olim palam in Ecclesia fuisse decantatam, nullo modo rejicit, aut retractat; sed cum aliam quidem simul explicationem adferat, tamen priori non anteponit, sed viramque iudicio Lectoris permittit. 2. Quia cur Augustinus priorem explicationem in dubium posse vocati existimat, non ea fuit causa, quod de re ipsa vlo modo dubitaret, fueritne S. Petrus caput Ecclesiae, & princeps Apostolorum; cum primatum Petri, eiusque summam in vniuersam Ecclesiam auctoritatem etiam alijs locis constantissime vbiique professus sit Augustinus vt tract. 56. in Ioannem, & lib. 2. de baptismo contra Donatistas cap. 1. ita vt quamvis de illius loci explicatione dubitaret Augustinus, de veritate tamen significata esset certissimum. 3. Causa, qua ad eam dubitationem motus fuit Augustinus, ex dictis aperte & evidenter nulla esse conuincitur. Nititur enim illa variatione terminationis, quæ in voculis Petrum & petra, iuxta græcum & latinum textum, cernitur; quasi idcirco illa quidem ad Petrum, hec vero ad Christum potius spectet; cum tamen ea vocum differentia nec communi explicationi quidquam obstat, vt demonstravimus, nec in lingua Syriaca qua Christus vñus est, vlo modo reperiatur. Ex quibus facile colligit lector, an hæc Augustini qualisqualis dubitatio, nullo sane fundamento nixa, eiusmet roties repetita, & communi om-

nium

nium cæterorum Patrum, tam qui ipsum antecesserunt, quam qui subsequuntur sunt explicatio-  
ni in Ecclesia tanto iam tempore palam decantatae, & ab ipso C H R I S T O tam clare &  
perspicue traditæ, præjudicare quidpiam de-  
beat: præsertim cum ipse quoque Augustinus re-  
m hanc omnem deniq; lectoris arbitrio permit-  
tat.

**59** Alterum argumentum suum verbis poste-  
rioribus eiusdem loci Matt. 16. Et tibi dabo claves  
regni colorum: Et quodcumq; lerus super terram, erit  
ligatum & in celo; & quodcumq; solueris super terram,  
erit solutum & in celo. Vbi per Claves intelligi sum-  
mam potestatē regendi & gubernandi Ecclesiam,  
patet tum ex quotidiano vnu ac praxi etiam secula-  
ris Reipublicæ; tum ex analogia ipsius scripturae:  
siquidem etiam Isaiae 22. v. 22. & Apocal. 3.  
vers. 7. eodem modo per clauem Domini David summa  
potestas in Ecclesia gubernativa designatur.

**60** Has igitur claves Ecclesiæ cum Christus, in-  
præsentia quidem Apostolorum, sed inter Apo-  
stolos soli Petro tradiderit; manifestum est, sum-  
mam potestatem regendi Ecclesiam soli Petro  
traditam fuisse. Neque enim vspiam legimus,  
ipas quoque claves regni cælorum ceteris Apo-  
stolis fuisse traditas; sed vsum duntaxat clavi-  
um, sub Petro summo clavigero, ijsdem fuisse  
attributum, Matthæi 18. vers. 18. & Ioannis 20.  
vers. 23. vt scilicet intelligeremus, Apostolos al-  
liquam sane in Ecclesia potestatem ligandi & solu-  
vendi habuisse, sed supremam non habuisse; eo  
quod in vnu clavium Petri directioni subiacerent.  
Et vero parum interest, siue dicamus, claves Pe-  
tro datas fuisse; vt supremo capiti Ecclesiæ; siue  
quis dicat, claves datas fuisse Petro, vt Ecclesiæ  
personam sustinenti. Hoc ipso enim recte.  
Ecclesiæ personam sustinebat Petrus quod eius  
ipse supremum esset caput: siquidem priuatus  
quisque Reipublicæ personam sustinere non so-  
let, sed Consul; sicut etiam Imperij Impera-  
tor.

**61** Secundus locus noui testamenti quo eadem  
potestas Petro denuo fuit à Christo confirmata,  
habetur Lucæ 22. à vers. 24. vbi haec leguntur:  
Facta est autem & contentio inter eos, quis eorum vi-  
deretur esse maior. Dixit autem ei: Reges gentium do-  
minantur eorum, & qui potestatem habent super eos,  
benefici vocantur. Vos autem non sic: sed qui maior es  
in vobis, siue scilicet minor, & qui predecessor es, siue mi-  
nistrator. Nam quis maiore es, qui recumbit, an qui mi-  
nistrat? nonne qui recumbit? Ego autem in medio vestrum  
sum, siue qui ministrat: vos autem esis, qui perman-  
sistis mecum in temptationibus meis. Et ego dispono vobis, si-  
cū diffuso mibi Pater meus, regnum, vt edatis &  
bibatis super Thronos, iudicantes duodecim tribus Israël.

Ait autem Dominus: Simon, Simon. Ecce scia-  
nas expetiuit vos ut cribraret, siue triticum: ego  
autem rogan pro te, vt non deficit fides tua;

& tu aliquando conuersus confirma fratres  
tuos.

**62** Ex quibus verbis, ad probandum Petri prima-  
tum, ita argumentamur. Quando in aliqua fa-

milia, præsente hero, oritur inter domesticos  
contentio de primatu, seu de præcedentia; & he-  
rus ipse peregreabiturus, conscius litis, eam ve-  
componat ac definiat, omnium quidem animos  
egregijs donis ac pollicitationibus lenit ac miti-  
gat; attamen minime interim negat, aut dis-  
simulat, aliquem inter eos esse, aut fore su-  
periorem; sed hoc ipsum potius aperte asserit,  
præscribendo modum regendi Superiori; quem  
ipse etiam mox postea quasi digito demonstran-  
do, sigillatim alloquens, non solum suam illi pecu-  
liarem gratiam & benevolentiam addicat, sed  
insuper etiam ei hoc officium ac mandatum iniungat,  
vt cæteros domesticos, aliquando forsitan  
nutantes, quoad opus fuerit, confirmet ac robo-  
ret, cum certe dubium minime est, & aliquem in  
familia gubernatione, & hunc ipsum ab hero ce-  
teris esse prælatum, aliorumque Caput designa-  
tur.

**63** Sed ita res se habet in proposito. Orta enim  
erat contentio inter Apostolos, velut domesticos  
ipsius heri ac patris familias Christi, de pri-  
matu & præcedentia; idque in præsentia ipsius  
Christi, paulo post ex hac vita discissuri, eo-  
que conscientia, vt ex Evangelica relatione patet.  
Eam item vt componat ac definiat Christus,  
omnium quidem Apostolorum animos vniuer-  
sim egregijs donis ac pollicitationibus tenet ac  
mitigat, dicendo; Vos autem esis, qui perman-  
sistis mecum in temptationibus meis. Et ego dispono vobis  
&c, vt edatis & bibatis super mensam meam in  
regno meo, & sedeatibus super thronos, indicantes  
duodecim tribus Israël: at nunquam interim negat,  
nec etiam dissimulat, aliquem inter eos  
esse aut fore superiore, sed hoc ipsum potius  
aperte asserit, præscribendo modum regiminis Su-  
periori, his verbis; Qui maior est in vobis, siue scilicet  
minor, ( studio seruandi & commodandi;) )  
Qui predecessor es, siue minister: quod ipsum  
suo simul exemplo confirmat, Ego autem &c. Et  
mox postea quasi digito demonstrans Superio-  
rem, Petrum vnu ex omnibus sigillatim alloqui-  
tur, suamq; illicorū omnibus peculiarē gratiam  
& benevolentiam addicet: Simon Simon &c. Ego autem  
rogans pro te &c, atque insuper & hoc ipsum etiam  
officium imponit, vt olim ipse conuersus confirmet  
fratres suos, cæteros nempe Apostolos, eorumq; successores; quoties hac confirmatione opus  
esset. Quis ergo dubitet, à Christo vnum aliquem,  
& quidem hunc ipsum Petrum, in quem iam antea  
tam eidens primatus promissio aliaq; eius indicia  
congruebant, confirmata promissione antea-  
facta Matthæi 16. vt dictum, ceteris prætulisse,  
adeoque omnium Apostolorum caput designa-  
se?

**64** Tertius locus, quo idem primatus Apostolo  
Petro iam antea quidem Matthæi 16. promissus,  
& Lucæ 22. confirmatus, re ipsa postea à Chri-  
sto traditus ac consignatus fuit, habetur Ioan-  
nis 21. à v. 14. vbi haec verba leguntur: Hoc iam  
tertio manifestatus es Iesus discipulis suis, cum re-  
surrexisset a mortuis. Cum ergo prandisset, di-  
cit Simoni Petro I E S V S: Simon Ioannis, diligis me  
plu bis? dicit ei: Etiam Domine, tu scis, quia amote

Dicit ei: Pasc agnos meos. Dicit ei iterum: Simon Ioannis diligis me? ait illi: Etiam Domine, tu scis quia amo te. Dicit ei: pasc agnos meos. Dicit ei tertio: Simon Ioannis amas me? Contristatus est Petrus, quia dixit ei tertio, amas me; Et dixit ei: Domine tu omnia nosti: tu scis quia amo te: Dicit ei: pasc oves meas.

Ex quibus verbis Petrum à Christo accepisse potestatem supremam pascendi, adeoque regendi omnes omnino agnos & oves Christi, quæ ad eius ouile vñquam pertinuerent, adeoque eam ipsam potestatem & auctoritatem, quæ ei promissa erat Matthæi 26. & denuo confirmata Luce 22. aperte patet ex verbis & circumstantijs huius loci. Aderat siquidem iam tempus, quo Christus post Resurrectionem suam, ex decreto æterni Patris, terras in specie quidem visibili reliquerit, celosque consensurus erat: hic iam res ipsa postulabat, ut Ecclesiæ sua ac ouili benignissimus Pastor de Vicario stabili prouideret, qui suo ipsius Christi loco vniuersalæ oves præsentes, seu aliquando faturas regeret & pasceret. Non exciderat ipsi interim è memoria, quemnam ex Apostolis iam dum ante mortem, duplicità promissione, ad hoc munus destinasset, ne mpe quod Petrum designasset petram, super quam ipse vniuersam Ecclesiæ suam ita esset ædificaturus, vt nec portæ inferi quidem contra eam essent præalituræ; quodque illi simul claves regni cœlorū promisisset, Matthæi 16. & deniq; quod paulo ante morte, eidem Petro veluti Maiori domus officiū ipsos etiā Apostolos olim in fide confirmâdi co[m]mendasset Luce 22.

Itaque ut hoc negotium penitus absoluere, atque potestatem Petri iterato iam promissam, re ipsa tandem tradaret, coram sex alijs discipulis velut testibus, è quibus etiam Iacobus & Ioannes rerum quarumque maximarū alias, etiam vna cum Petro inspectores ac testes fuerant, solemní quasi stipulationis formulâ ter repetitâ vsus, Petro que de amoris affectu, quem in pastore sci- ret vel maxime esse necessarium, ter rogato, terque restato, ter ipse vna eademq; statu verborum formulâ pastoris vniuersalis super vniuersum ouile suum auctoritatem tradit, dicendo *Pasc agnos meos, pasc oves meas.* Vbi cum Christus nullam penitus omen ex suis ab auctoritate & iurisdictione Petri, velut constituti Pastoris, exceperit, temerarius sit, quisquis vnicam exceperit. Ex quibus proinde constat, S. Petro summam post Christum potestatem ac auctoritatem regendi ac pascendi vniuersum ouile dominicum, omnemque adeo in terris Christi Ecclesiæ ad finem usq; mundi futuram, fuisse commendatam.

Et confirmatur haec explicatio quia vocabulum *Pascere*, vti & apud græcos verbum *mipaliva*, & apud Hebreos Rahah, tum apud prophanos scriptores, tum in ipsa etiam scripturâ non solum pascere, sed etiam regere significat; speciatim 2. Reg. 5. v. 2. & Ezechielis 34. v. 23. vbi de Christo dicitur: Er suscitabo super eas pastorem unum, qui pascat eas, seruum meum David: ipse pascet eas, & ipse erit eis in pastorem. Et Isaiae 4. v. 28. Regi Cyro dicitur: Rohi, pastor meus es. Et Homerius l. 2. Iliados, Regem Agamemnonem s[ecundu]s vocat *mipaliva kaww*, pastorem populorum.

Atque ex eodem loco Petri primatum asserturunt etiam Origenes in caput. 6. ad Romanos, Chrysostomus homil. vlt, in Ioannem & libro 2. de sacerdotio in principio, & homil. 1. de poenitentia, Ambrosius libro 10. in Lucam cap. 24. Gregorius libro 4. registri epist. 32. & Theophylactus in eundem locum Ioan. 21. Optime Cyprianus lib. de vinitate Ecclesiæ cap. 3. vtrumque locum, primum & tertium coniungens, ait: Loquitur Dominus ad Petrum: Ego dico tibi, inquit, quia tu es Petrus, & super illam petram adificabo Ecclesiæ meam, & portæ inferorum non vincetur aem. Et tibi dabo claves regni cœlorū, & qua ligaueris super terram, erunt ligata & in cœlis. Et iterum eidem post resurrectionem suam dicit: Pasc oves meas. Super illum unum adificat Ecclesiæ suam, & illi pascendas mandat oves suas &c. Ex quibus proinde etiam eadem assertio comprobatur, consentiente Patrum auctoritate, quos circa prima & tertium locum retulimus.

Secundo probatur eadem assertio ex figura veteris testamenti; in quo itidem suprema iudicandi & regendi Ecclesiæ auctoritas, ad unum aliquem sumnum Sacerdotem pertinebat, vt patet Deuteronomij 17. vers. 12. post constitutum in genere Sacerdotum Tribunal, speciatim de summo Sacerdotio subiungitur: Qui autem superberit, nolens obediere Sacerdotis imperio, qui eo tempore ministrat Domino Deo tuo, ex decreto iudicis morietur homo ille, & auferens malum de Israël; cunctusq; populus audiens timebit, ut nullus dein ceps intumeat superbia. Et 2. Paralipomenon 19. post commendatum itidem generale tribunal Sacerdotum, in ox subiungitur v. 11. Amarus autem Sacerdos & Pontifex vester, in his, quæ ad Deum pertinent, præfobebit. Vbi itidem suprema auctoritas iudicandi ad sumnum Sacerdotem reuocatur. Et denique illud Malachia cap. 2. vers. 7. Labia Sacerdotis custodiens scientiam; & legem requirent ex ore eius, quia Angelus Domini exercitum est; ad sumnum itidem Sacerdotem speciatim pertinet. Cum igitur figuratum figuræ respondere debeat, necesse est, vt etiam in Ecclesiæ Christi, post eius in celos ascensum, inter ipsos Apostolos vnu aliquis ceteris eminet, qui tam Apostolorum, quam ipsius Ecclesiæ visibile caput extiterit; neq; vero id alij quam Petro vel personum tribui potest.

Tertio idem probatur ex alijs pluribus prærogatiis, quibus idem Apostolus Petrus s[ecundu]s apalias in scriptura ceteris Apostolis præfertur. Ita enim 1. Matthæi 10. v. 2. vbi numerus Apostolorum initur, eorumq; catalogus refertur, non solum in actu quasi exercito primo loco refertur Petrus, quod alibi s[ecundu]s factum; sed etiam expresse, & in actu signato, primus dicitur; idq; non ordine vocationis, quia Andreas prior vocatus erat Ioannis 1. Neq; ratione ætatis; non solù quia in Ecclesiastica congregatione, vbi de personarum gradibus & ordine agitur, solius ætatis nulla habetur ratio; sed etiā quia multi verius putant, Andream fuisse seniorem, vt post Epiphanius hæref. 51. docent Baronius tom. 1. Annalium Anno Christi 3 t.n. 23. Lorinus in caput. 1. Actorum v. 13. Serrarius in tract. de Apostolis & alij,

tameisi

tametsi oppositum docuerint Chrysostomus a-pud eosdem, & Cassianus lib. 3. de incarnatione c. 12. sed ordine vtiq; dignitatibus & preeminentiis.

II. Vnus omnium nomine Petrus Matthæi 16. in re omnium grauissima, Christo respondet, vniuersim Apostolorum interrogant: *Vos autem quæ esse dicitis?* III. Christus pro se tantum, & Petro, tributum soluit, Matthæi 17. v. 26. IV. Secretissimis quibusque mysterijs à Christo testis cū paucis adhibetur, vt in domo Archisynagogi, in monte Thabor, & Oliueti; simulq; primus vbi que inter soeios refertur, Marci 5. Matthæi 17. & 26. V. Peculiariter Christus pro Petro orat, ne fides eius deficiat Lucæ 22. v. 32. VI. Primo inter Apostolorum Petro à Christo pedes lauantur, Ioannis 13. v. 6. VII. Primo inter Apostolorum Petro Christus resurgens apparet, Luce 24. v. 34. & 1. Cor. 15. v. 5. VIII. Primus Apostolorum cœtum post Christi Ascensionem colligit, ac restaurandū docet, Actorum 1. v. 16. IX. Primus post acceptū Spiritum sanctum, in conuentu Apostolorum, Euangeliū palam promulgat Act. 2. v. 14.

X. Primus inter Apostolorum publico miraculo fidē confirmat Act. 3. v. 6. XI. Primus iudicariam potestatē in Ecclesia post Christum palā exercuit, damnando Ananiam & Saphiram, Actorum 5. v. 1. XII. Primus diuinitus edocetur de Euangeliā Gentibus prædicādo: ijsq; in Ecclesiā admittendis, Act. 10. v. 13. XIII. In primo generali Cōcilio Apostolorū primus Petrus sententiā tulit, cui omnes Apostoli acquieuerunt, Actorum 15. v. 7.

Deniq; quod ad rem vel maxime pertinet, solus inter Apostolorum Petri nomen Christus ipse mutauit atque ita quidem, vt pro *Simone* eum vocandum statueret *Cepham*, sive Petrum Ioañis 1. v. 42. Cur? nisi vt officio ac muneri suo futuro, ab initio statim conueniens nomen obtineret, ac ex *Simone* seu *audiente*, & communi discipulo Christi, re ipsa quandoque suo tempore fieret *pētra* Ecclesiā & caput Apostolorum.

Ex quibus etiā colligitur, quod Se-  
ctarij dicūt, Petrum suam illam potestatem nunquam exercuisse. Quod autem minus frequenter aduersus Apostolorum eam potestatem exercuerit, ratio est; quia eorum singuli Spiritu Sancto repleti, pro sua quidem persona, externi moderatores ope in actu secundo non admodum indigebant.

Quare etiam Chrysostomus homil. 21. in A-  
eta: *Vnde, inquit, Petrus primus inuenitur. Quādo eligendus Apostolus, hic prima; quando loquendum Iudeis, non esse Apostolos ebrios: Quando curandus claudus; quando concionandum: quando agendum contra Principes; quando contra Ananiam; quando ab umbra taxationis siebant, hic erat. Et ubi quidem erat periculum hic, & ubi moderatio. Vbi autem tranquillitate res erant plena, communiter omnes. Sic non exigunt honorem maiorem.* Quod etiam de Romano Pontifice habet Gregorius Ma-  
gnus lib. 7. epistol. 64. cum ait: *Si qua culpa in Episcopis inuenitur, necio quis Episcopus sedi Apo-  
stolica subiectus non sit. Cum vero culpa non exigit, omnes secundum rationem humanitatis aequales sunt.*

Quinto probatur assertio ratione. Si enim post Christi ascensum, nullus inter Apostolos Christi Vicarius, qui visibile totius Ecclesiæ caput eset, relictus est, necesse est, Ecclesiæ regimen esse mutatum; ita vt ex Monarchia transiret in Aristocratiam: consequens autem est falsum & absurdum: Ergo, &c. Maior probatur: quia regimen cuiusque communitatis desumitur ex ciuidem magistratu visibili; & quidem si Monarchicum regimen sit, à supremo capite visibili. Cum ergo constet, C H R I S T U M cum in terris ageret, fuisse Caput visibile totius Ecclesiæ, ipsumque adeo Ecclesiæ regimen fuisse Monarchicum, sane fatendum est, regimen illud fuisse mutatum, si Christus nullum supremum Caput visibile in terris, secundarium quidem, sibique subordinatum post se reliquerit. Minor itidem probatur, quia si Ecclesiæ regimen ex Monarchia fuisset mutatum in Aristocratiam, sequeretur ipsam quoque totam Ecclesiæ fuisse mutatam; ac proinde nec eandem nūc esse Ecclesiæ, quæ fuit viuente Christo in terris: quia unitas politici corporis maxime desumitur a ratione & modo policiæ ac gubernationis sue regiminis.

Ex quibus denique recte cum S. Leone epist. 89. ad Episcopos Vieñens Prouinciae concludimus: *Quisquis Petre principatum affirmat denegandum, illius quidem nullo modo potest diminuere dignitatem; sed inflatus spiritu superbia sua, semetipsum in inferna demergit.*

**ASSERTIO V.** Est & semper in Ecclesia fuit unus aliquis, qui Apostolo Petro defuncto in eadem suprema (Christo tamensubordinata) Ecclesiæ gubernandi & regendi auctoritate & potestate, suminque ac ordinarij Pastoris munere, diuino iure succederet. Hanc Catholicam assertionem bene tuentur & explicant Turrecremata lib. 2. de Ecclesia cap. 17. Caïtanus de auctoritate Papæ & Concilij cap. 4. Canus lib. 6. locorum cap. 3. Stapletonus in relect. controvrs. 3. q. 2. art. 1. Gregorius de Valentia hic quæst. 1. punct. 7. §. 15. & Bellarminus lib. 1. de Romano Pontifice.

Definitur eadem assertio in Concilio Constantiensi sess. 15. in qua hi Wicleffii errores damnatur: nimurum 7. Petrus non fuit, nec est caput S. Ecclesiæ Catholicæ. Et 13. Papa non est manifestus. *G*regorius successor Petri. Et 27. Non est scimilla apparentia, quod oporteat esse unum caput in spiritualibus regens Ecclesiæ, quod semper cum ipsa militante Ecclesiæ conueretur & conseruetur. Quos Wicleffii errores etiam Lutherus, Calvinius, & calij huius temporis sectarij sunt sequuti.

Probatur autem assertio Catholica primo, ijsdem tribus scripturæ locis, quibus antea probauimus, primatum Ecclesiæ fuisse penes S. Petrum; quoque non modo haec tenus ad eum sensum interpretati sunt Patres & Concilia; sed qui ipso etiā verborum sono & contextu eundem sensum, aperte præ se ferunt. Nam cum absolute dixerit Christus, ad Petrum, *Super hanc petram adificabo Ecclesiæ meam; Pasce oves meas;* necessario intelligendū id est, tum de vniuersa Christi in terris

Ecclesia

Ecclesia, usque ad finem mundi existente, cum generatim de omnibus Christi ouibus, qui quis tempore existentibus; idque etiam ob eam causam, ne dicendum sit, Ecclesiam successu temporis, suo illo fundamento fuisse destitutam, super quod ab ipso Christo antea fuerat adificata, aut ouile Christi, officio supremi Pastoris à Christo constituti fuisse postea spoliatum: atqui fieri non potest, ut vel Petrus in propria persona fundamentum sit totius Ecclesiae ad finem usque mundi futuræ; quando iam in cœlis existens, nullam in Ecclesiam auctoritatem seu potestatem exercet; aut ut in propria persona pascat omnes Christi, veram ijs fidei doctrinam proponendo, & qua circa illa controversa sunt definitio: ergo necessario illa ad Petrum pertinere existimanda sunt non solum secundum propriam eius personam, sed etiam quantum ad eiusdem Successores, continua successione in Ecclesia permanuros. Quod ipsum etiam nomen & officium tam fundamenti, quam pastoris indicat. Nam & illud sua natura perpetuum est, quamdiu adiunctum durat; & officium pastoris institutum, non minus durabile esse deberet, quam ipsum ouile.

79

Quæ etiam argumentatio hoc syllogismo clarioris explicatur. Nam potestas illa & auctoritas, quæ iuxta Christi promissionem, Ecclesiam perpetuo sustinere, pascere, & aduersus quosquis aduersariorum impetus immotam tueri debet, necessario esse debet potestas seu auctoritas ordinaria, ac in Ecclesia permanens; ac proinde non in solo Petro, sed & in eius Successoribus duratura: Potestas & auctoritas Petri, iuxta Christi promissionem, vniuersam Christi Ecclesiam perpetuo sustinere, pascere, & aduersus quosquis aduersariorum impetus immotam tueri debet: Ergo potestas & auctoritas Petri necessario esse debet ordinaria, & in Ecclesia permanens; ac proinde non in solo Petro, sed & in eius Successoribus perpetuo duratura.

80.

Secundo probatur eadem assertio ex figura veteris testamenti, ducto arguento à minori ad maius. Nam ut superius dictum, in Synagoga, semper ac perpetua successione, unusquis erat Summus Pontifex, qui suprema potestate in spiritualibus Synagogæ præflet, eamque gubernaret: Ergo id multo magis tribendum est Ecclesiæ. Consequens probatur. Nam præterquam quod *omnia in figura illius contingebant* 2. Corint. 10. negari certe non potest, Deum non minus prouide & sapienter prospexit Ecclesiæ Christianæ, quam synagogæ; ad perfectionem autem prouidentia pertinet, unum caput visibile tantæ communisati præficere.

81

Tertio, probatur continua praxi & sensu ipsius Ecclesiæ, ut dicetur dubio sequenti: cui quantum sit deferendum, patet ex illo Apostoli 1. Tim. 3. v. 15. vocantis Ecclesiam columnam & firmamentum veritatis.

Quartò, probatur assertio rationibus. I. Necellarium est ad bonum regimen Ecclesiæ, & unitatem in ea conseruandam, præter congregacionem & Concilium generale Episcoporum, unum

aliquem inter ipsos Episcopos esse supremum caput & moderatorum totius Ecclesiæ, qui ea, quæ ad bonos mores & doctrinam Ecclesiæ pertinent, supra auctoritate definire ac prescribere possit: Ergo re ipsa existat in Ecclesia unum aliquid eiusmodi supremum caput, continua successione permanens. Antecedens patet; tum quia controværsia de fide, quæ propter summam varietatem nationum, statuum, ordinum, ac ingeniorum, necesse est in Ecclesia frequenter ori, neque unius sufficienter determinari per Episcopos, si inter eos non sit aliquid supremum Ecclesiæ caput; non solum quia tunc nullus erit, qui cum auctoritate, quoties opus sit, possit Episcoporum Concilium cogere; sed etiam quia moraliter impossibile est, pro qualibet controværsia definita, generale Episcoporum Concilium convocare: Particularia autem Episcoporum iudicia, nec infallibilita sunt, nec ad fidei unitatem in Ecclesia seruandam sufficiunt, ut patet, & dictum quæst. præced.

II. Petrus iam in cœlo existens, vel adhuc manet Ecclesiæ caput, fundamentum, & petra; vel non. Non primum; quia sic duo essent inuisibilia capita Ecclesiæ; nimis Christus, & Petrus: cum tamen præter Christum, inuisibile caput, Ecclesiæ, omnium sententiæ, nullo alio inuisibili capite opus sit. Si secundum dicitur, necesse est, aliquem alium Petri Vicarium pro capite & fundamento Ecclesiæ fuisse substitutum; ne farensum sit, Ecclesiæ corpus & adiunctum perisse. III. Si Petro in Ecclesiæ gubernatione nullus successit, necesse est Ecclesiæ sibi regiminis formam fuisse mutatam; ita ut ex Monarchia transiret in Aristocratiæ, aut oligarchiam, seu democratiam: consequens autem est plane absurdum; quia sic ipsum etiam corpus Ecclesiæ mutatum fuisse, ut superius in simili dictum: Ergo, &c.

**ASSERTIO VI.** Alia est ratio ceterorum Apostolorum, quibus eti quidam in Ecclesia pastores, scilicet Episcopi; non tamen in pari & æquali omnino potestate successerunt. Explicatur & probatur assertio. Apostoli enim in Ecclesia duplex sustinebant officium, saltem ratione distinctum; unum extraordinarium, legationis à Christo immediate demandatae, quatenus videlicet erant Apostoli seu legati à Christo missi, ad prædicandum & plantandum Euangelium in toto mundo. De quo S. Paulus 2. Corinth. 5. v. 20. *Pro Christo legatione fungimur, tanquam Deo exhortantes per nos.* Et Ephes. 6. v. 20. *Pro quo legatione fungor in catena; ita ut in ipso audeam, pro ut oportet me loqui.* Alterum ordinarium, secundum quod & ipsi, tanquam pastores & rectores Ecclesiæ, ac Episcopi animarum, potestate quidem ordinis ipsi Petro pares, potestate autem iurisdictionis eodem inferiores, alijs vero Sacerdotibus vtroque modo superiores, poterant munia Episcopalis potestatis in designato cuique territorio exercere.

Nunc ergo in illo extraordinario officio, atq; adeo in illa duplice prærogatiua Apostolatus, quæ superius assertione 3. explicauit, nemo Apostolis successit: erat enim hoc munus legationis extraordinarium. In illo autem ordinario pastorali

munere,

munere. Episcopi in Apostolorum locum subuenti sunt, ut docet etiam Concilium Tridentinum confess. 23. c. 4. Episcopi enim potestatem ordinis eandem omnino habent cum Apostolis; iurisdictionis autem potestatem, qua & Pontifice Romano Petri successore inferiores sunt, & Sacerdotibus alijs superiores, tantam omnino habent in sua Diocesibus, quanta particularium Ecclesiarum Pastoribus necessaria est. Quam rem pluribus prosequuntur Caetanus de auctoritate Concilij & Papæ cap. 4. Stapletonus in relect. controu. 2. quæstio. 3. art. 3. Gregorius de Valentia hic q. 1. pun. 7. §. 2. 4. & Bellarminus lib. 2. de Pontif. cap. 17. & lib. 4. cap. 24.

85 Ex quibus omnibus colligitur, duabus præcipue rebus S. Petrum, tanquam Pastorem & caput totius Ecclesiæ, Apostolos antecessisse. Vna est, quod ipse non modo potestatem à Christo accepit, in vniuerso mundo, pastorale suum munus obcundi; sed quod etiam potestatem quandam accepit in ipsis Apostolos, tanquam eorum videlicet, & omnium Ecclesiæ membrorum visibile caput, vt assertione 4. probatum est. Altera, quod ipse à Christo auctoritatem in toto mundo accepit ordinariam, & perpetuo duraturam, atq; ad coad posteros transmittendam; Apostoli vero tanquam extraordinarij Legati; quorum proinde potestas illa in toto mundo cum ipsis Apostolos expirauit.

86 Addunt aliqui, Apostolos ipsam potestatem sui Apostolici muneris accepisse, non immediate ab ipso Christo, sicut Petrus eam accepit, sed à Petro. Ita Turrecremata libro 2. de Ecclesia cap. 17. & quidam apud Caetanum loc. cit. qui volunt, tam potestatē ordinis Episcopalis, quam iurisdictionis, Apostolos à Petro collatam fuisse. Sed hæc sententia neque necessaria est ad primatum Petri afferendum; & per se etiam minus communis & probabilis est, vt recte notauit Gregorius de Valentia loc. cit. Licet enim secundum ordinarium processum, & spectatā Petri potestate, ita fieri potuisse, tamen communiter existimatur, gratuitā & extraordinaria præventione diuina eam Petri potestatem in Apostolis ordinandis & instituendis præuentam fuisse. Nam quod ad potestatem quidem ordinis Sacerdotalis attinet, certum est, vt etiam Caetanus notat, Apostolos eam collatam fuisse in ultima cena; sive totam & adæquate, tam quoad potestatem scilicet conferandi Eucharistiam, quam absoluendi; sive inadæquate, quoad potestatem conferandi tantum.

87 Quod ad potestatem vero ordinis Episcopalis attinet, eti non improbabile est, quod Bellarminus lib. 1. de Pontifice cap. 23. ex Turrecremata docet, solum Petrum à Christo, reliquos vero Apostolos omnes ab ipso Petro ordinatos fuisse Episcopos: non minustamen probabile videatur, etiam ceteros Apostolos ab ipso Christo ordinatos fuisse Episcopos: cum satis certum sit, eos auctoritatem Apostolicam in qua haud dubie etiam includitur ordinis potestas, ab ipso Christo immediate accepisse; iuxta illud Ioannis 20. v. 21. *Dixit ergo ei iterum: Pax vobis. Sicut misit me*

*Pater & ego mitto, &c. Accipite spiritum sanctum: quorum remiseritis peccata remittuntur eis; & quorum reiuserint reenta sunt. In quibus prima illa verba generalia sunt; & non male etiam ad Episcopalem gradum referuntur; sicut & illa Matth. 2. 8, & Marci 1. 6. Euntes docete predicate. &c.*

88 Neque in contrarium obstat illud Anacleti distinct. 66. Canone Porro, vbi dicitur, Beatum Jacobum fratrem Domini à Petro, Iacobō, & Ioanne, Apostolis ordinatum fuisse primum Hierosolymitarum Archiepiscopum. Nam intelligi id potest, de quadam loci designatione; non ipsius Episcopalis ordinis collatione, vt bene etiam dicit Gregorius de Valentia loc. cit.

Similiter illud Actorum 13. de impositione manuum Paulo & Barnabæ facta, comode eriam intelligi potest, de quadam declaratione, sive applicatione potestatis, iam ante diuinatus illis collate, ad certum illud ministerium. Cuius rei etiam hoc indicium est; tum quod ibidem v. 2. dicitur, *Segnate mihi Saulum & Barnabam in opere, ad quod affumperitis; non ordinate: tum quod Paulus Galat. 1. v. 1. expresse de se scribit: Paulus Apostolus non ab hominibus, neque per hominem, sed per Iesum Christum, & Deum Patrem: ad rationem autem Apostolatus etiam spectare potestatem ordinis, & iam ante diuum, & recte etiam obseruavit. Caetanus de auctoritate Papæ & Concilij cap. 3. Denique idem Apostolus Galat. 2. v. 6. ait: Mibi enim qui videbantur esse aliquid (nimis Petrus, Iacobus, & Ioannes) nihil contulerunt.*

89 Neque vero semper in scriptura per manus impositionis ordinatio designatur. Nam Actorum 9. vers. 17. Ananias Saulo manus imposuit, vt viatum recuperet; quo tamē ipso nemo dixerit, Saulo ordines ab Anania fuisse collatos; cū nec Saulus baptizatus; nec Ananias esset Episcopus. Quāuis interim reuera non satis constet, quandonam Christus Apostolus Paulo, Matthiae, & Barnabæ potestatem Apostolicam contulerit: et si credibile est, illo ipso tempore contulisse, quo in Apostolos electi sunt, vt benedicit Gregorius de Valentia tom. 4. disp. 7. q. 16. pun. 3.

90 Potestatem denique iurisdictionis Apostolos ab ipso Christo immediate collatam fuisse cit. Ioannis 20. *Sicut misit me Pater &c. ex communi sententia docet Bellarminus lib. 1. de Romano Pontifice cap. 12. & fuisse lib. 4. c. 23.*

91 Ceterum contra hanc doctrinam, præsertim assertione 4. de primatu Petri traditam, obiiciunt Sectarij primo nonnulla, qua scripturæ explicationem superius communii Ecclesiæ consensu probatam, concernunt & impugnant; vt quod per petram non designetur Petrus, sed vel Christus, vel confessio Petri absolute spectata; item quod per claves non suprema gubernandi auctoritas & potestas in Ecclesiæ; per potestatem ligandi & soluendi non ius cum auctoritate præcipendi, puniendi, dispensandi, sed solum potestas prædicandi & absoluendi significetur. Item quod *pascere* solum significet pabulum, verbi diuini præbere, non ducere, non regere, non punire; per oues non omnes, sed tan-

tum quasdam significari. Sed hec omnia superiorius  
tum ex apertis scripture verbis, tum ex communi-  
ni Patrum & Ecclesiæ interpretatione satis refu-  
tata manent.

93

Deinde vero directe aduersus ipsam conclu-  
sionem, & contra primatum Petri obiciunt.  
Sectarij primo. Christus est, & manet caput &  
fundamentum Ecclesiæ; neq; fundamentum aliud  
poni potest, præter id quod possum est, quod est Christus  
IESVS 1. Cor. 3. vers. 11. Et per se absurdum est,  
duo esse fundamenta & capita vnius domus &  
corporis: ergo Petrus non est fundamentum aut  
caput Ecclesiæ.

94

Respondeo, Christum solum esse præcipuum  
vndiquaq; ac primum fundamentum, & supre-  
mum caput; præter quod nullum aliud eiusdem  
ordinis & dignitatis constitui à quoquam potest;  
post Christum autē, & sub Christo aliud agnoscere  
fundamentum, & aliud caput visibile Ecclesiæ,  
nihil prohibet; cum ipsimet aduersarij vltro fa-  
teantur, cæteros quoque omnes Apostolos esse  
quædam Ecclesiæ fundamenta, vt manifeste patet  
Ephes. 2. v. 20. & Apocalypsis 21. v. 14. Neq; ma-  
gis monstrorum sit Ecclesiæ corpus, quod plura  
capita metaphorice dicta, ac inter se subordinata  
habet; quam quod vnius ac eiusdem regni ter-  
restris duo quædam præcipua solent esse capita;  
Rex nimirum, & in absentia Regis, Prorex; ac sub  
his alia inferiora capita longe plura.

95

Secundo obiciunt. Nihil est Petro, promis-  
sum aut commissum, quod non etiam cæteris A-  
postolis comunicatum sit. Si Petrus petra, A-  
postoli autem sunt Ecclesiæ fundamenta Ephes. 2.  
Petro claves soluendi & ligandi traditæ sunt  
Matthæi 16. Apostolis itidem: Quæunque liga-  
nitæ &c. Matthæi 18. Et quorum remissis peccata  
&c. Ioannis 20. Petro dictum est. Pase oves meas;  
reliquis vero ab ipso Petro dicitur: Pascite qui  
in vobis est gregem. Accedit, quod expresse non  
nunquam Patres Apostolos reliquos Petro pares  
faciunt.

96

Respondetur, omnia ea, quæ diximus, singu-  
laria Petri esse. Nam Apostoli sunt quidem funda-  
menta quædam secundaria, superadmodum suo  
quodā modo super ipsum Petrum, sicut & Petrus  
nuditur summo illo lapide angulari Christo; attamen  
petram esse; ac post Christum primarium totius  
Ecclesiæ fundamentum, soli Petro tribuitur. I-  
tem Petro soli nominatim claves traditæ sunt,  
tanquam supremo Patris familias & gubernatori  
Ecclesiæ; reliquis vñs potius clavium, quam  
absoluta potestas ac possessio clavium tradita  
est.

Sicut enim claves regni v. g. hoc est pot-  
estas regia, plenissime ac independenter quidem  
residet penes Regem, in absentia vero Regis a-  
pud Proregem; post proregem suo quodam mo-  
do etiam inferioribus regni Officialibus, quoad  
certa quædam munia, committitur: ita claves  
potestatis Ecclesiastica plenissime sunt in Chri-  
sto; post Christi ex hac vita discessum, in Pe-  
tro; post Petrum & sub Petro, in Aposto-  
lis.

Denique soli Petro omnes Christi oves vni-

versim, ac sine vlla exceptione commissa sun-  
tad cæteros Apostolos, cormque successores,  
cum restitutiore dicitur, & quidem ab ipso petro,  
Pascite qui in vobis est gregem, hoc est, gregem vobis  
commisum. Dicatum vero illud SS. patrum quam  
vñm habeat, diximus assert. 3.

Tertio petrus post promissionem illam à  
Christo factam Matthæi 16. varijs modis gra-  
uissime lapsus est. Ut quando mox ibide in-  
credulus fuit Christo suam passionem denunci-  
anti; à quo etiam idcirco audivit: Tade post me  
satana, Matthæi 16. item cum in ipsa passione  
CHRISTI, cum tertio turpissime abnegauit  
Matthæi 26. Ergo iure existimari non potest,  
petrum esse petram illam, super quam adi-  
cata sit Ecclesia. Responderetur, petrum tunc  
temporis, cum ita lapsus est, actualiter & re ip-  
sa Ecclesiæ petram & fundamentum nondum  
fuisse; sed ex promissione Christi, post Resurre-  
ctionem eiusdem, primum implendâ, futurum  
fuisse; ut superius dictum, & significatur etiam  
ijs verbis CHRISTI: Et in aliquando conuersus  
confirma fratres tuos: vt proinde neuter lapsus  
Ecclesiæ firmitati quicquam obster; præsertim  
quando neuter ille error conuincit, petrum  
infidelitate peccasse Nam primus ille ignorantia  
& hebetudinis defectum arguit; secundus in ex-  
terna solum fidei confessione petrum demon-  
strat lapsum, non in interno fidei assensu.  
Denique particularis persona lapsus, nihil ob-  
stat publicæ potestatis infallibilitati, iuxta  
illud Matthæi 23. Quæunque dixerint vobis, scrin-  
uate & facite; secundum opera vero eorum nolite fa-  
cere.

Quarto. Galat. 2. vers. 7. & 8. significatur,  
diuina fuisse iurisdictionem inter petrum &  
paulum, ita vt illi Iudeorum, hic Gentilium,  
cura & conuersio esset demandata; cum Aposto-  
lus dicat, sibi creditum fuisse Euangelium præputum,  
sicet petro circumcisio.

Responderetur; diuisionem hanc non iurisdi-  
ctionis, sed prouinciarum fuisse; ad commodum  
us propagandum Euangelium: quemadmodum  
etiam alij Apostoli inter se prouincias diuise-  
runt; cum tamen alioqui omnes generalem à  
CHRISTO potestatem accepissent, des-  
cendi omnes Gentes, Matthæi vltimo; & pra-  
dicandi Euangelium omni creature, Marcii vltim.  
Qua de causa ipse etiam petrus Actor. 15.  
vers. 7. de seipso ait: Vos scitis, quoniam ab an-  
tiquis diebus DEUS in nobis elegit, per os meum  
audire gentes verbum Euangelij & credere. Et è  
conuerso paulus 1. Corinth. 9. vers. 20. ait:  
Et factus sum Iudeus tanquam Iudeus, ut Iudeos  
lucrarer; qui etiam ipse epistolam ad He-  
breos scriptit. Diuiso igitur illa inter petrum  
& paulum facta est, vt petrus in Iudeorum,  
paulus in Gentilium conuersionem  
præcipue incumberet; cum tamen interim ve-  
terque ius haberet, tam Gentibus, quam Iudeis  
libere prædicandi, idq; pro renata gnauiter vter-  
que præstaret.

Quinto obiectur, quod Actorum 10. dubitat  
petrus, vtrum Gentilibus sit prædicandum, &

97

98

99

100

ob

& ob prædicationem Gentilibus factam, reprehenditur ab alijs discipulis Actorum 11. Ad hoc quidam respondent, Petrum tunc reuera ignorasse, an esset prædicandum Gentibus; inter quos videtur fuisse Epiphanius hæreti 28. Quidam respondent, dubitasse Petrum, non vtrum Gentibus prædicandum, sed vtrum Gentiles ante baptismum essent circumcidendi: an potius incircumscisi ad baptismum admitti: quæ postea quæstio agitata fuit in Concilio Apostolorum Hierosolymis Actorum 15. Ita Sanderus libro 2. de clave David cap. 5. qui tamen addit, ex hoc ipso colligi primatum Petri, quod ei primum hæc veritas diuinitus reuelata, & per ipsum deinde alijs proposita fuerit.

101 Sed magis probatur responsio Bellarmini lib. 1. de Pontifice cap. 16. Petrum nihil horum ignorasse; sed reuelationem illam de linteo, ideo Petro factam fuisse, tum vt ipse Petrus sciret, iam tum tempus aduenisse prædicare Gentilibus Euangeliū, quibus alioquin iam ante ex Christi mandato sciebat aliquando esse prædicandum; tum vt alijs, præsertim ex Iudaismo conuersis, eo facilius & efficacius posset respondere, & latius facere, si quando illum idcirco reprehensuri essent; vt factum est postea Acto. 11. Cuius quidem reprehensionis auctorem fuisse Cerinthum, priusquam aperte in heresin incidere, notauit Epiphanius loc. cit. Tantum abest, vt existimandum sit, Petrum ab ipsis Apostolis idcirco fuisse reprehensem.

102 Sexto. Petrus Ecclesiæ præcipua negotia solus absque communi aliorum Apostolorum auxilio, non fuit executus, vt pater in electione Matthiae Actorum 1. septem Diaconorum. Acto. 6. & in definienda controversia de religione Actorum 15. Ergo signum est, penes eum non fuisse supremam auctoritatem.

Respondetur, negando consequiam; quia id non siebat ex defectu potestatis, sed maioris commodi causa, vt nempe suavius & efficacius res transigeretur. Nam ad communem Ecclesiæ pacem, & auctoritatem Apostolorum, conseruandam, & ad maius existimationis pondus ipsis rebus apud plebem conciliandum, conuenientius plurium suffragijs & iudicijs eiusmodi communia Ecclesiæ negotia fuerunt transacta; licet alioqui à solo Petro transfigi possent: quemadmodum nunc etiam non à solo Papa, sed in generalibus quoque Concilij eiusmodi grauiores causæ solent diuidicari. Atque ita speciatim de electionibus illis docuit etiam Chrysostomus homil. 3. in Acta. Quid, inquit, an non licebat ipse Petro eligere? licebat ei quidem maxime. Verum id non facit, ne cui videretur gratificari.

103 Septimo Apostoli mittunt Petrum in Samariam Actorum 8. Ergo potius inferior fuit, quam superior. Respondetur, missum esse, non per imperium; sed per consilium & suasionem; quod etiam in parés aut superiores quadrare potest: sicut ab Herode missi dicuntur Hierosolymam Magi, Matthæi 2. & sicut Phinees

Sacerdos missus est à populo Israelitico ad filios Ruben, & Gad. Ad quem modum etiam David per seruos suos à prælio abstinere persuasus fuit lib. 2. Regum cap. 18. vers. 3. & cap. 21. vers. 17.

Octavo. Paulus ad Galat. 2. ait: Mibi autem, inquit, qui videbantur esse aliquid (loquitur de Petro, Iacobo, & Ioanne.) nibil contulerunt & dextræ dederunt mibi & Barnaba societatis. Et itidem ait, se in faciem Petro restitisse, quia reprehensibilis erat: Ergo Paulus superior fuit Petro.

Respondetur ad singula; nimur 1. Paulum tantum dicere, se, vti & alios Apostolos, suam auctoritatem, scientiam, & potestatem Apostolicam non à Petro, aut ab homine accepisse, sed à Deo, sicut initio eius epistolæ ipse significauit, quod etiam nos superius docuimus.

104 2. Dextram paritatem auctoritatis Apostolica significare; cum qua recte nihilominus confistere primatum Petri superioris dictum est: eumque hoc ipso loco agnouisse Paulum, satis ipse indicat Galat. 1. vers. 18. cum ait: se versus Hierosolymam videre Petrum: nempe quia os Apostolorum Petrus erat, Princeps, & vertex ipsius caerulei; proprieas Paulus ascendit eum videre præ alijs, inquit Chrysostomus homil 87. in Ioannem. Quam causam etiam reddunt Ambrosius, Hieronymus, Theodoretus in cundem locum Galat. 1. & Tertullianus lib. præscript. circa med.

105 3. Quod ad reprehensionem illam attinet, respondetur, aliam esse reprehensionem & correctionem iuridicam quæ superioris est; aliam esse fraternalm, quæ cum debita moderatione, quando necessitas id postulat, adhiberi potest etiam Superiori. Et talis fuit illa correptione Pauli aduersus Petrum. An autem re ipsa, & qua ratione Petrus ea re peccauerit, diximus tom. 2. disput. 5. quæst. 3. dub. 5. Cæteras cauillationes omittimus: & plura videri possunt apud Bellarminum, lib. 1. de Pontifice cap. 26. 27. & 28. & apud Gregorium de Valentia hic quæstione 1. punct. 7.

### D V B I V M III.

*An Successor ille Petri, & omnium Episcoporum, adeoq; totius Ecclesiæ visibile caput, & iudex controversiarum fides, sit Pontifex Romanus.*

Ad S. Thomæ 2. 2. q. 1. a. 9. & 10.

106 Probauiimus dubio præcedenti Petrum fuisse caput Apostolorum, ac totius Ecclesiæ, eandemque potestatem & auctoritatem continua successione in Ecclesia perseverare: nunc breuiter videndum est, an is Petri Successor sit Pontifex Romanus, & quo iure: huc enim spectat omnis illa dissertatio, quam